

- Installing CD for EMIS
- Installing CD for WEB application
- Installed version of FTP explorer

1. O EMIS-U

1.1 Uvod

Projekat reforme sistema obrazovanja u BiH nalazi se u fazi razvoja i implementacije. Važni zadaci reforme su razvoj okvira i procesa za upotrebu raspoloživih resursa u obrazovanju i jačanje upravljanja u školama sa jasnom definicijom uloge zajednice, roditelja i škola.

Trenutno su ograničeni kapaciteti za prikupljanje podataka o obrazovanju, za upoređivanje i analize na konzistentan i koherentan način u BiH. Ovo ne predstavlja problem samo analizi i širenju osnovnih informacija o uspješnosti učenika i škola, već i finansiranju institucija na bazi stvarnih informacija podložnih reviziji.

Trenutni troškovi u obrazovanju su neadekvatni za zadovoljavanje troškova baziranih na predratnim normama. Iako se mogućnosti za povećanje finansijskih sredstava za obrazovanje nalaze ispod trenutnog nivoa i ograničene su, postoje pokušaji da se nivo potrošnje drži relativno visoko.

Cjelokupna politika obrazovanja (EDP) ima za cilj da pomogne razvoju obrazovnih sistema koji više odgovaraju potrebama privrede, a koji su efikasniji u upravljanju deficitarnim resursima dostupnim obrazovanju.

1.2 Informacioni sistem upravljanja u obrazovanju - EMIS

Jedna od komponenti EDP -a je i EMIS (Education Management Information System) koja se finansira kreditom Svjetske banke. EMIS se implementira u Republici Srpskoj i svim kantonima u FBiH.

1.3 Ciljevi i razlozi EMIS projekta

EMIS projekat će poboljšanjem sistema informiranja, planiranja i sistema finansiranja obrazovanja podržati postizanje efikasnijeg i efektivnijeg upravljanja obrazovnim resursima. Ovaj projekat treba da postigne slijedeće ciljeve:

- određivanje potrebe za bitnim statističkim informacijama u obrazovanju, na nivou osnovnog i srednjeg obrazovanja;
- razvoj kompjuterskog softvera za prikupljanje podataka i generisanje izvještaja kao inicijalni modul EMIS-a na nivou škola i ministarstava;
- pomoć, na nivou ministarstava, korištenju softvera, nabavci opreme u ministarstvima, i u obuci i monitoringu;
- pomoć, na nivou ministarstava i škola, poboljšanju upravljačkih kapaciteta putem sistema finansiranja škola po učeniku i
- razvoj i finansiranje primjene EMIS-a u Republici Srpskoj i kantonima u Federaciji Bosne i Hercegovine, te širenje mehanizma finansiranja škola po učeniku gde je to izvodljivo.

1.4 Razvoj softvera

Razvoj inicijalnog seta EMIS modula (ISEM) treba da zadovolji osnovne potrebe škola i ministarstava za informacijama i započne procese menadžmenta informacija za efikasno formiranje resursa i politike obrazovanja. Ciljevi ove podkomponente su da:

• odredi esencijalne potrebe za prenosom podataka na nivo škola i statističkih informacija za nivo ministarstava;